

景泰雲南圖經志書

雲南圖經志書卷之九

今朝詩

頌

平雲南頌

王景常

翰林學士

聖天子之御大歷服也維清緝熙載敷武功遠攘群雄混一函宇于是偃  
武脩文與民休息雲南弗庭遣使招之遇害洪武十四年秋

皇帝若曰天厭元德土宇瓜分朕奮起淮甸爲生民請命鏖戰番禺易溟漢  
以清捲旗東指吳會電掃皇天眷命正位

宸極爰整六師北定中原河南山東不戰而下元君北眺九鼎南遷秦晉

景附蜀關洞開兵不頓刃今雲南蔓爾之地夫羊相保梁王指逆刺  
瓦爾密戕虐我信使憑陵我郊備若不及時盪一何以念上天之眷  
慰黎民後來之望哉乃命潁川侯臣傅友德西平侯臣沐英永昌侯  
臣藍玉等將屬揚虎賁之士凡三十餘萬騎萬匹聲震致討七月禡  
于龍江樓船敵江旌旗亘天水陸兼進星流電邁既至湖廣分爲兩  
軍大軍道將荊路夜郎平昔定奇軍繇羅佐關肇司渡河奄至曲靖  
疾若風雨所向輒克土酋盡屯獸挺莫敢格者未至白石江十許里  
大霧四塞司徒達里麻拒江自固我師懸峭長驅掩其不備先命  
千騎從上山草山襲其後平旦大兵四出從達里麻麾軍布陳未

成列我師徑前奮擊其陳遂亂達里祿走陷于渾生禽之俘斬將  
若干人雲南兵大奔乘勝逐之征南分軍擊烏撒東川敗蠻四萬  
屍蔽野遂通大渡河奇軍始至西平永昌率大兵徑趨雲南梁王  
敗棄城走晉寧飲酖卒雲南平自出師至是凡百餘日得府州若干  
戶若干馬牛軍實無算承制建官大軍鎮焉明年分兵下大理下金  
齒下臨安元江凡雲南故境皆郡縣矣又明年遣間使降車里降  
降八百咸以壤負貢洪惟天兵不浹十辰東抵牂牁南著交趾西踰  
吐蕃北界神州幅員萬里悉臣悉妾何成功之速哉蓋

皇帝文武神聖煦爲春陽肅爲秋霜綏之以仁摩之以義混混乎內之于

泰和元氣中使其民熙熙以類皞皞以群得觀中州文物之懿太平  
之樂而不知沐聖澤之深也上自漢唐以迄于元囂縻而已乃今維  
持鞏固與內地等信乎王者之無外也又明年班師振旅定功行賞  
諸將以下皆進爵有差於乎古之有盛德大烈必形諸歌頌皇風興  
大雅作草茅微臣不敢多讓臣景常謹稽首頓首而爲頌曰

聖明御天統有萬方際天曙地武功煌煌三辰耀靈海宇聿清叶氣嘉生  
蒸爲太平薰茲蠻方稔歲奸兇恇恇穰穰以褻天常乾坤之量海嶽  
是包彼昏而狂誕敢叫呶皇赫斯怒爰整元戎吉日載戒車攻馬同  
於餘王師暨暨桓桓天討是將震懾百蠻兵無留行勢若迅雷日星

弱冠江海沸騰鷹揚曲靖俘彼統酋征麾所指載敷天休載不食  
殺不却降斥原䟽施以迄用康大憝聿通僅玄龍黃拓禹之迹維周  
職方表方建官綦布星分屹屹大城以奠其民封豕脩蛇以變以化  
昔也猥猥今爲騶虞載駟載伐戈鋌不脛南金犀象罔敢弗庭凡此  
南功將臣僉同維一乃心上毗

帝聰大烈之珣超漢軼唐風霆流形天地翕張會朝清明聖化基之萬國  
一統坐而釐之草茅微臣作此頌焉武功告成

天子萬年

祛騰頌

劉有年

太平府知府

洪武二十有三年夏六月雲南屬郡潞江之野有騰害苗甚盛民方以爲憂總兵官西平侯聞而懼之即遣百戶彭道隆往祀于神不三日騰蟲皆自斃百姓抃躍而歌曰昔我兵荒我侯安之今我蟲藋我侯穰之何以壽之永受百福百姓之感德于侯也如是咸屬予作以記之予曰善惡之感萌于心萬祥之應見于事天人文相感應理捷于影響不可誣也春秋書螽書螟書鰥聖人筆而不削以是國之大事皆所以示後世急民事謹天菑也今騰一見于潞江而而懼之遣使而禱之是知聖人經世之大法以民事爲急以天菑爲謹仁人君子之心也故一念之誠足以動天地去螟蠹不出三日之

內宜乎百姓之感於無窮也予雖末學不足以記其盛事謹拜手而頌曰

矯矯虎臣秉國之鉤鉤繫生民之命有言保其生全丹造之天昔者兵荒顛沛流亡饑饉并臻我侯憂倚于西時去此勝蓋嘉禾復興瑞氣戾氣日乖民食艱哉我侯孔憂倚于西時去此勝蓋嘉禾復興瑞氣合并人樂豐登侯之恩深民感于心形于謳吟天高聽卑感應隨時古者有之唐君吞鯨寧食我賜不為民殃漢將攻邊拜井湧泉虜驚遷懇懇精忠所祐一同千古其隆其顯其辭今實見之可無愧詞激江之山有石可刊頌予其闡精德有光陰報于陽子孫蓋昌



賦

黔寧昭靖王廟賦

劉賓太原人

爰有客兮泛滇江過雲犀登危樓之華構步巖壑之崇岡  
喧喧騰頌聲而云云詩元戎之偉績偕昔賢而並論煥王封之煥  
儼廟貌之崇新於以見

朝廷報功之禮盛於以見士庶慕德之心純此黔寧昭靖之廟所以蕭  
邊夷而鎮坤維也客乃整衣冠肅容翼翼而趨必敬必恭啓門屏  
之敬語交行焉之橫縱歷阼階而緩進告祝人以潛通焚椒蘭而致  
真神拜跪而雍雍仰觀俯視愜懽驚忭光閃爍而耀錯影惚恍而

隴欻然而雲淒然而風靈駢彷彿乎降格神馭依稀乎迎逢羗變化  
而匪測脩杳冥乎西東簷牙吸漢觚稜摩空飛棟舒翼懸梁垂虹獸  
環鏤崇溪之金魚鑰容首山之銅四壁瑩白六牕丹紅巍巍堂堂隱  
隱逢逢星拱櫛比弗克殫窮夾道旁起繩斯直也周垣紫曰矩應則  
也堅砥鱗次瑩一碧也萬瓦參差耀白日也左出右入森羅千旌前  
攜後擁異狀殊形鼓雷動而闐咽旗電掣而晶瑩宛轉廊廡爰業振  
楹直欄捲霧忽陰而晴曲檻霏煙乍晦乍明久佇立而喟嘆竟莫知  
其始之所以起而終之所以成祝人於是領客就席啜以芳茗啖以  
珍食徐而語之曰思昔元季頡洞搶攘六合塵飛四海波揚貪狼恣

其奔突猥猥遲其跳梁民溝轉而壑殞野荆塞而榛荒腥血流于川  
原哭聲徹乎穹蒼倚歟

祖皇龍興鳳陽蕩滌群兇綏寧萬方建九旂之旗幟揭三辰于太常衆雲  
合而景從擁戟盾之煌煌王時幼齡失恃與怙謁見濠梁泣拜而訴  
祖皇眷愛重瞳數顧子之育之若父若母年甫逾于弱冠俾即事于戎伍  
由帳前之都尉統親軍于廣武守京口而敵斯遁取閩溪而道無阻  
友定旋踵而被擒東甌即時而就叙撫鎮關陝德洽威布總裁督府  
政脩事舉

皇曰咨汝總六軍北出朔漠西逾崑崙迺征朵干迺平納降是時

以柔以馴於焉渡流沙之渺濤於焉歷賀蘭之嶙峋援天戈而奮擊  
截長鯨之脩鱗旣喪喪魄殄瘁亡寇拓土地於窮遠膺

寵命于嚴宸

世皇曰吁封汝以侯汝平西土其功獨優名實相副禮待宜周階榮祿而  
勛柱國授鐵券而錫圭旨期礪山而帶河享無疆之維休

世皇曰噫西平汝前維元之孽根據于滇戕殺信使長惡不悛顧大統當  
混于一念

帝業豈容於偏汝副征南戰宜汝先汝往欽哉勢勿可延拜命稽首擇  
馮牙集魏貅而傳令士靜聽而無譁曰脩爾矛曰整爾鍔弓弩欲除

而勁器仗欲艷而華淬刃礪鋒室壘補瑕止勿干命動勿過差思  
乃身企榮爾家旆悠揚而一舉爛塞川之雲霞舟師沂江擊鼓鳴笳  
絕瞿塘之滯滙過魚腹之平沙陸出羅鬼潛襲普安酋老迎降股慄  
膽寒據畢節之要地破醜虜以奚難濟大渡河而還奇距白石江而  
布陣蠡爾夷兵如林以進霧漫漫而障天日蒙蒙而生暈出輕騎以  
斷後合大衆而交刃烈火具揚霆轟電迅靈薩助威飛廉效順彼勢  
漸劒我氣益奮斬割剔首顛踣輜輳梁魁俄以生擒士卒隨而盡備  
梁王聞敗潛逃于淵飲藥就死都聞以全市肆不移耕農滿阡備牛  
酒而勞師咸攄誠而致慶各分兵而四出撫諸部以怙然念彼大理

茲爾一區恃以點蒼之險用干天討之誅率鷹虎黃卷甲而趨草莽  
峯而下瞰渡河水而前驅設鉤援而齊奮城崩陷于須臾縛段氏以  
尺組民咸悅其來蘇鶴慶麗江從風而順附三營石門刻日而剪屠  
氐羗聞聲而惴惴夷緬入貢而于于遂取茫部收烏垣定羅次平江  
川疆理盡于邊陲旬宣極乎海陬

祖皇曰俞振旅班師征南韜戈而來朝西平留鎮而保釐廼定田賦廼  
土宜勸民以耕不奪其時摧強極亂扶顛濟危殪浪穹之逋寇斬磨  
沙之叛夷馘烏路之山蠻降越州之阿資三部恃險而縱暴密即憑  
堅而逞威芟除殄滅噍類不遺者滿矣情鵠張于熾孽並莽之傲霜

逢肅殺而就萎夫何平絢敢作寇虐擾我定邊是燔是掠爰整部曲  
爰比斧鉞直赴景東斷彼喉舌流矢發而四面風動飛礮激而一道  
地裂左爪右牙力戰勇決用十擊千以一當百衆象驚奔而駭走群  
夷僵仆而跌蹶衆賊魁之亮首滅惡黨之妖血麓川雲開而杲杲金  
沙浪靜而怗怗既心悅而誠服貢琛贄而靡絕還旆滇陽塞弓戢戈  
屯開萬頃之菑畚澶者百井之鹹醴既庶既富以漸以摩廣黉堂之  
渠渠增泮宮之峨峨遶邊民之俊秀日就學而切磋椎髻興禮讓之  
風閭閻聞弦誦之歌敷

朝廷之至仁納烝黎于泰和是知政治貴乎有恒辭令尚乎體要必務

講明性理研精道妙敘典禮以昭晰明彝倫以烜耀鑄周子之太極  
立爲碑於孔廟探西銘萬殊一本之幽微發衍義誠意正心之間奧  
尊崇聖賢之正學敬信周孔之名教然事業雖在乎人爲而壽等實  
關於司造隕大星于霄漢馳駟騎而奔告哭旬若之戚酋痛部落之  
將校六街罷市嗚咽載道計青指期而

呈輟朝而哀悼遣禮官而致祭敕行人而宣告挽御車而趨路豎丹旌  
而前導樞至京師千官素縞旋以黔寧之封謚以聖靖之號命家祠  
以襲爵示非常之顯報雲南父老叶謀同辭請立廟以奉祭於



而當爲

聖皇曰部經始勿遲凡百所費官與給之聞令下而即事差穀旦而定基  
民子來而赴功不少緩而後期梓人運繩尺而測量匠民操剡磨而  
斷斷籬樁豫章積如山嶽來役具興群工皆作築之登登約之閣閣  
薦址密以文礪厚墉重以堅塋閱歲告成輪然與若抗碧雞之巖巖  
儼金馬之業粵秋嘗冬丞春祠夏禴麗牲及時薦新以朝陳豆蓬而  
設鼎俎吹簫簧而舞羽簫鵠融融之和氣與萬姓而偕樂福慶之流  
覃及後昆徂征安南用集異勛節制都閩西夷咸賓父作子述炳琅  
一門赫赫乎唐朝之李晟昭昭乎宋室之曹彬宜並書于信史傳隨

而不湮翊贊

聖之基業與天地恒久而常存客聞言冉冉起而作歌曰桂龍從兮芬  
芳花續紛兮正秋黃王之神兮戾止惻我民兮悅以喜執沉檀兮寶  
鼎滌尊壘兮明水參鸞鶴兮遨遊上崑崙兮下瀛洲飲甘露兮食朝  
霞張亮玄穹兮護佑

國家要以安兮鞏以固

聖化浹洽兮邇邇與遐澤延兮後裔  
祀百世宜賢孝之雲仍美  
承承而繼繼

金馬山賦

蒼收炳靈房星聚精超鴻濛鴻濛秀倏凝結而成形此金馬之山所以直訾陬而奠昆明也歟歟神禹受命爰分九區表嶽鎮之崇崇隔方維之頽殊有哉有華抗東西以屹若曰衡白恒界南北而截如曠哉梁益併包坤隅功不假於䟽鑿地獨鍾乎膏腴起層巒之嵒嵒控南滇之故墟嘶谿衍之岳谷駕綿邈之方輿造父固莫施其銜勒王良亦難範以馳驅觀其蔓草垂巖尖峯批耳白月懸瞳青松掉尾漬赤藩以湛露流汗溝之邈迤鑄莫待乎崇溪產非資於麗水形類騰驤之騏驎勢似振鬣之騄駼過日影之須臾磨蒼昊於咫尺過夫噓氣成雲噴沫起風障泥炫熒熒之彩霞聳纓繞煌煌之流虹迅雷

張其猛烈疾雷助其威雄瀉甘澍以注下刷卷毛之蒙并疊獻益  
巔崖增紅洞扉啓廐閑之弘熙驚聲響和鸞之玲瓏萬騎仰觀而辟  
易群夷覲視而驚河至於及並乘歸魏若羗齒卒或奔如驚或驟若突  
峻拔天脊峭削風骨翳翳森然隱轉煙壑杳橫亘于百里擬長城之  
砥礪是宜拱

帝京之尊嚴障大藩以寧謐也或有野老結余而言曰子徒見其小而不  
窮其大知其名而不究其實吾將爲子陳之玄黃肇分氓生葉葉若  
魚若蟲無識無知聰明間出命爲君師立一代之典章成四海之雍  
熙嗟惟此邦視爲外夷境荒荒而泯泯水漫漫而瀾瀾姚姒置之不

即顧問周邵之不違保釐俾昏迷而弗悟竟風靡於侏獮楚命莊  
躋略地遠來自王於旗顧瞻徘徊君臣之分少定天叙之典未諧漢  
武奮志勞民費財命張騫而遠出解使節而虛回亦有孝宣不務夫  
體慕神怪之恍惚行禋祀之瀆禮王褒馳驛而西上僅致甘泉而乃  
已遺祠廟於崑阿謾冥搜而遠紀唐畏嵯顛之跳梁宋限大渡之涯  
涘元雖小康亦何足齒猗歟

皇明撫有萬方聖武神文巍巍堂堂既底寧於華夏遂有事於戎荒  
命矯矯之虎臣揮天戈而奮揚直指雲南掃除掩截長鯨之鬚鬣利妖  
狐之肺腸顯允黔寧知勇忠良威已施於戡定思復盡於存匡化強

梗為禮義變椎卉為冠裳揖讓之風濟濟絃誦之聲琅琅紹述前烈  
適有惠襄招携貳以誠信銘頑嚚以慈祥國公繼之綱紀益彰載平  
安南功業彌昌總制仁賢淑旂縵章來鎮來臨克柔克剛致遠人之  
盡服邁前哲而有光俾金馬迥然而特立與碧雞相對而相望小姑  
息之宋元陋怯弱之漢唐夫然後知

皇明之盛德冠古今而莫並紀昭靖之殊勲垂悠久而不忘余聞其言拜  
跪嘆嗟遂為之歌曰金馬之傍兮有稻有杭金馬之陽兮有郭有城  
臣旬宣其善政兮民勤事平農耕咸矢心而沸渝兮願永享夫千萬  
年之太平

詩

五言古體

燈雨齋四首

平顯武林

風櫺過疎雨  
惜惜桂花夕  
孤燈耿餘輝  
照我頭雪白  
自惟安巢鳥  
夙戢排虛翮  
願拔丑難根  
終焉學禪寂  
緬彼息心侶  
軟語久離析  
萬里精爽通  
猿聲下秋壁

猿聲下秋壁  
虛谷生響應  
跣趺若不聞  
安心湛常定  
精進護明珠  
普照濁源淨  
坐令格閭俗  
皈依率真性  
我磨黃獨鏡  
匪乏青鞋興  
商巖樵未歸  
芝花老幽徑

芝花老幽徑秀色實可食亭亭偃紫蓋燁燁明珠玕隱若雙麒麟  
炙首肴盤飫此禪悅味載歌碩人寬勝地固瀟爽深盟諒毋寒矯首  
夜何其落葉雲漫漫

落葉雲漫漫所思不可極秋風熟辛茹老夢識眞麴空華銜縛綵  
眼如過客後凋鬱青葱惟有松與栢送月待清曙吞霞漱初液還登  
聚遠樓香燈伴緇錫

遊太華寺次韻

陳士瑞

文采動林壑飛花盪塵襟僧居翠微裏我行多苦心太華何崔嵬  
池自泓深援琴發雅操山水有遺音



宿山中寺

還昶 懷慶人

山中有蘭若龍象輝金碧泉邊佳茗香竹下幽人迹  
堂新瓦易茅砌古苔侵石喜為老僧留同坐風雨夕

神坪賞花

毛鉉 浙江人

未折海棠花先觀海棠樹樹高三丈餘花開錦無數  
春風二月初遊者爭先覩列饌獻花神髮髯聞神語  
但願花常存年年來此慶初筵酒三行窮歡飲無度  
紛紛羣馬塵日暮忘歸路

漢營走馬

我聞漢諸葛深入於不毛廟食在此邦世遠名愈高  
至今蒲葵兒

能記前朝曾傳訓練法弓刀隨所操走馬不執韁手中弄旌  
東兩腕捷若猿與猿垂身掠地過取物名奪標一呼萬人  
何驕持酒手勞之具曰母足勞

溫泉晚浴

乾坤之二氣胡為有藏伏我觀此地泉陽在陰之腹其源若探湯有  
牲烹可熟其流匯二池男女各異浴爭浴譏裸程歡笑聲相逐浴  
縱杯盤列坐歌夷曲晚行偶見之含羞掩吾目明晨當再過聊以  
吾足

龍祠望雲

昔有一夷婦捕魚此江中水淺見沉木觸若有所通一乳生九子一  
子化為龍居人為立祠祭祀何處恭龍心合人意禱之無不從再拜  
望雲氣頃刻生晴空初看散白衣復覩成奇峯因之上歲計可識歟  
與豐

瑞麥

沐璘右軍都督同知

聖明御宸極德澤彌堪輿兩暘既時若庶物咸晏如滇邦九土外僻居  
井墟至化以薰幸與中州俱變俗革獷戾鎔兵事耕鋤荒穢樂  
麻稬磻成膏腴眷彼鶴川郡外漢千里餘居民雖犬戎之與  
一沐同仁化近壤春陽敷邇來產嘉麥兆瑞秀以舒兩岐

荒陬僻壤郡守不敢秘走送勞載驅官僚及士庶傳視交驚吁謂  
浩沕澤莫及西南隅麒麟載周紀鳳凰稱典謨彼誠一時瑞何能濟  
飢飢五穀世之寶日用衆所須天應念坤境先此協乾符上以昭昇  
平下以充邊儲兵民無菜色熙熙樂安居我忝守土臣作詩頌唐虞  
何當獻

天闕庶備太史書

施子花

娟娟六出花郁郁發朱陽移根自西域獨擅名園芳幽香通鼻觀炎  
天亦清涼何當獻佳實染作天袍黃

冬日遊筇竹圓照二寺

邊藩日無事薄言適西郊晴旭破霜晨風景豁以饒馬首藹雲木初  
疑路非遙蘿徑縈迴巒始造山之椒筇竹古靈壤蓮宮鬱蒼嵒稽顙  
瞻

宸章龍光燭層霄魏公筆何健吏部詩尤豪尋幽未云竟隣僧俄見邀依  
岩屹新構軒然出炎囂壁繪富而雅坐玩神飄飄窓戶吞萬境一覽  
群慮消山川滿俯仰風月供吟嘲檻壓凌雲峯簷倚摩空鵬呼酒試  
小集煩襟殊曠超盃涵霞彩麗歌協禽聲矯匪燭偕同氣況乃兼時  
髦盛遊不偶尔幸際昇平朝即此固可樂何須慕松喬留墨置軒中

言紀清遠

和清曠軒

多君富天葩新詩達而曠青蓮居士身金粟如來相雄渾逼唐賢精  
巧邁郢匠山寺題華軒詩境俱清敞軒中白足僧覺海宏法量群縑  
若蒿萊此老乃鬱鬱刻詩置軒楣紅光赫千太妙悟契玄機何勞較  
真妄山靈定訶護流俗敢酬倡余心厭纏綿一見即舒放三肅頻諷  
誦面背覺晬盎幾欲和餘音如鶴遊其吭強此發微吟庶以適幽沉

過橫嶺鋪望點蒼山有感

橫嶺屹萬仞東望蒼山遙我來一停驂坐玩神飄飄陰晴異景

漢環岩堯古翠雲欲滴積雪春不消浮雲盪胸襟晨光麗  
走象馬疊巘騰波濤上應逼太清下應壓神熬天造奠南服  
獨超衆山四趨赴俯視同兎曹憶昔蒙段徒恃險多黠豪  
岳意將等嵩高王師靖萬國此險猶堅牢先王富籌策虎士多輕趨  
緣木躋層崖遂造山之椒元兕訝飛來潰散如狐跳于今百年下民  
猶仰勲勞因之動遐想感慨成長謠何當磨蒼崖載頌清明朝

自永昌次沙木和

曉出蒲關東前旄擁笳鼓歸途渺何之縈紆萬山阻古樹騰蛟虬  
石蹲猊虎維時暮春天炎雲已成暑驕驕鼻生烟征夫汗如雨我亦

嬰煩蒸低垂莫能語回首俯巒江紫微絲一縷盤迴及其濱自卯已  
過午浮梁斷無存方舟怯難渡巨派吞衆流驚濤激變櫓百丈勞挽  
牽邏卒盈江漘捨舟復登山仰躋若天宇孤驛雲樹邊停驂日云暮  
驅馳分所宜那敢辭辛苦

### 食點蒼山雪

我從永昌回中懷積煩熱目眇花眩睛喉乾刺生舌莫致金華漿翻  
憶玄冬冽坐令百佳味舉筯無所悅搗來鶴拓城獲此蒼山雪命僕  
亟致之一見心火滅盈盤霜作華翻匙玉霏屑馬乳凝且堅羊肪瑩  
而潔冷冷寒逼牙銚銚脆鳴頰客抱消鬱沉枯腸散清冽身如冰中



蚤飽食不知歇  
隨彼陶穀烹有效  
蘇卿鬻向來  
裸壤氛肅然俱已絕  
緬懷

大明宮聖躬當暑月  
天厨足珍羞  
此品未嘗啜  
安能託飛仙  
持獻蒼龍闕  
仰瞻雲路遙  
戀戀心空結

春日遊園通寺

鄭顥  
右僉都御史

公餘扣禪關  
尋僧向何處  
雲洞聞清香  
悠然澹忘慮  
眷此空寂門  
徘徊未能去  
安得支遁流  
一轉圓機語

巡邊至永平遇沙木和驛有感

朝發永平驛  
遂踰金滄顚  
長林散晴靄  
曲磴鳴春泉  
野芳亦未凋  
沃壤

花紅欲然我行適見之中懷遽興憐憐之果何如感彼時物斯大哉  
造化仁夫豈間窮遠遠民久凋弊兵戈困連年綏來迺吾責有德誠  
所先

題永思堂

親恩天罔極孝子思弗諼所以下武詩拳拳載斯言楊君曾閔徒景  
歲殞椿萱寧城五馬貴分符佐名藩欲養親不逮風木悲晨昏高堂  
列鍾鼎嘉節羞蘋蘩趨庭念遺訓履霜惕心魂枯巷口澤在入室馨  
歎存觸履靡不思所思惟親恩化行風俗美孝感民彛敦遂令荒蕪  
夷親親亦尊尊錫類諒斯在色養何足論永言思無斁庶以貽子孫

題雪谷

結廬五華巔湖山引遐矚軒窓四虛明垣墉迥深曲上人巖可從端  
居抱幽獨襟懷瑩清冰色相凝寒玉坐斷熱惱根公名雪谷雪本  
潔白姿谷焉有容蓄一塵了無侵萬彙期同育何處凝真看舞  
滕六先搖銀海花凍起玉樓粟大千法界中高下咸滿足是名有相  
觀未許超凡俗伊昔宋言師雪齋扁僧屋亦有明覺親寶繡尊宿  
寥寥百年下何人繼芳躅題詩弔深情會見燈燈續

清曠軒

● 禪心事幽閒所樂在清曠不為名色所累入我相連師支遁流

門仰宗匠棲身遠人寰開軒頗弘敞匪徒尚高潔用以充吾量  
一榻間清香四芬鬯竭來訪名山信步入方丈談空坐移時頓悟脫  
迷妄元戎文武資揮翰迺先倡詞華既新奇意氣亦奔放嗟予庸謏  
才蓄學類盆盎摘章每搜枯吐語輒扼吭留題軒中壁聊復寄佳况

和遊圓通寺

柯暹雲南按察使

乘閑過招提宴坐最清霞園觀潔雙眸片時消百慮爐香風引來窓  
影日移去暫假東魯書分別西乾語

七言古體

花馬歌

朱士林名耕泰興人

房星下燭昆明池渥洼黯黯無光輝驕驕攻駒產神俊白質黑點何  
權奇項如啼鳥眼懸鏡龍鬚鳳臆天生定雪毛勻染墨團花世上驂  
駟誰與並馬高七尺名曰騊駼此馬峭崿非凡材古之龍媒無乃是不  
然駿骨何奇哉牽來華軒風策策騎出官街聲嘖嘖郭家獅子未足  
誇縱有千金那可得我公平西復平南子女玉帛俱不貪獨有愛馬  
成馬癖朝朝暮暮常親監

朝廷異日征蠻緬千里霜蹄爲公展盤旋馳逐同一心共成大功名更  
顯汗血歸來無棄捐願言惠養終餘年更招曹霸丹青手貌向人間  
萬古傳

花馬行

名家之駒無與同墨花點雪銀為驥高蹄踏鐵疾如鳥寓目鈇鏡光  
於銅千金不惜買時價百戰要立當朝功竒姿逸氣古來少南平夷  
獠西平戎四方寧謐期惠養檣上顧影驕嘶風有時獵向平原道狐  
兔接跡潛蒿蓬追風掣電衆莫及當與天馬爭長雄王良伯樂既知  
遇萬里驍騰思盡忠

秋江靜釣

王景常

長江西來幾千里白浪飛流拍天起中有脩鱗長比人不入先生釣  
竿裏先生襟度足與蝦直鉤在意不在魚要將清風蕩星斗不與怒

濟同卷舒昨夜一絲寒月今夜一絲拂飛雪舉頭傲睨天地裂目  
光夜射蛟鼉窟先生釣竿幾許長先生經綸千丈強子陵桐江遲文  
叔尚父渭水逢周昌江山回首應非故世事茫茫難縷數赤壁天空  
鴈不來采石月明鯨已去乾坤上下清絕塵天潢冰白結水銀先生  
有意投竿起歲月無情那待人

判山說月

判山山上秋月明判山山下秋水清道人持杯待明月氣壓秦華吞  
滄溟姮娥靚粧倚碧井照見琉璃幾千頃興來吸盡金巨羅舞袖排  
徊弄清影東腸激烈問青天何似當年小謫仙迢迢雲漢望不極不

天上今何年。主階桂花下。如霞瑤光欲墜。明星爛微霜。凜凜沁人衣。城上烏啼知夜半。

晴巒積翠

玄雲鋪銀海水枯。老蛟吸盡天地腴。散作春山萬朵青。芙蓉瓊崖翠谷入幽閨。古徑縈紆少行迹。木末雲收翡翠明。林花看雨胭脂滴。山中亭子迥絕塵。車馬如行雲遶東。昔見大總管。鴈門今有飛將軍。殊方快意且行樂。况復江山元不惡。薰笛夜奏邊塞聲。腰鼓春翻太平曲。若箇遙峯雲霧髯。桃花流水非人間。東望神州幾千里。我欲奮飛無羽翰。



越州回師

龍角虎牙利莫如扼亢拊背猶可屠羗氏彎弧睨井鉞子房黃石無  
良圖軍心一燔燼不起馬尾莫緣良可吁南箕哆侈自翕舌北斗含  
頤司帝車木牛流馬計已遠舞女吹簫威鬼區太虛茫茫不可問顧  
危須藉英雄扶漢室炎精燭天地東壁昨夜開圖書文奎文奎爾不  
神降婁安可尸其居羊胃羊腸古狗獫應昂騎箕今在無畢竟人生  
總沈陸鰲背瑣瑣應時須辰參不合匪人力東井五緯行同樞五鬼  
從旁笑我愚韓柳文章時贅餘金星入月敵可除弛張有待同馳驅  
鵬翼扶搖九萬里結軫何當西擊胡

道中望蕩山感通寺

遠祖

入關地平少丘坂旌旗微茫城尚遠碧水漁舟白日寒黃塵旅店秋  
風晚半山佛寺鬱嵯峨樹色溪聲雲氣多不得皈依此中住幾回止  
是暫經過

題五華寺曠怡樓

沐璘

五華屹立滇城中殿矗五朵金芙蓉俯看輪蹄聲四沸一塵不到金  
銀宮殿南飛構赫宏敞峨然傑出深篁叢政餘適興一登覽似挹沆  
瀣超鴻濛水天茫茫渺一碧秋明萬里烟收空虛窻遠入官渡樹危  
欄晴倚昆陽峯金碧如屏墮眉睫滇湖若練鋪心胸心神洋洋忘寵

辱怡曠乃與希文同岳陽之樓擅天下加以賦詠增其雄斯境斯樓  
亦不忝況有主者如休崇爐香茗碗足談笑坐覺浩思凌烟虹先夢  
後樂豈必古今昔雖異神則通五雲

天闕渺何處青霄目斷冥冥鴻

### 喜雨

甲戌春霖夏無雨祝融行威扇煩暑雲峯屹屹障層霄火傘炎炎燒  
下土昆明水溫龍入窟壑陂枯涸塵生澣分泉僅可潤秧苗灌漑無  
由及禾黍飽食烏捷空喘月竊望農夫倦鳴鼓去年郡縣多水災米  
價于今尚艱阻如何亢旱文公憂我兵民向飢寒諸公憂之為懇

和五華寺曠怡樓  
聖澤八荒同一溥  
周詩載誦慕前賢  
商禱罪躬思往古  
才疎任重慚何補  
充然畎畝間  
歛若沉疴一時愈  
而成有望喜莫勝  
藩鎮無愁狂欲舞  
慮必通倏見氤氲滿  
天宇甘霖如注洽  
千村鵲鵲歡聲連  
萬戶生意

聖澤八荒同一溥

和五華寺曠怡樓

鄭顥

上人棲迹雲霞中  
樓居背倚青芙蓉  
映簾花木四攢遠  
深幽雅稱金僊宮  
古閨演陽擅佳麗  
五華特秀西南叢  
滄波遠引勢吞吐  
城闕俯瞰煙冥濛  
樓臺萬井互參列  
浮圖百尺高凌空  
面前崗巒摠奔附  
差

我宛若君山峯政餘登臨偶延佇天光上下怡心胸洞庭茫茫渺何  
許景物與之遙相同征南大將為題詠詞氣浩瀚如揚雄豈惟新  
得之愈增重其於象教尤尊崇昨來過我丐廣和但見文光炯炯流  
晴虹枯腸一任苦搜索茅塞久矣奚能通詩成燕坐重歎息翩然目  
送雙飛鴻

五言絕句

寄住持佛證

定遠王

山靜日如年心閑身似仙閉門無客到花落滿堦前

西峯瀑布

楊光  
金華

千尺下西峯迢迢掛玉龍  
笑辭山澗遠萬冰盡朝宗

龍關曉月

遂祖

行旅聞雞發關門待曉開  
一輪雲外月流影尚徘徊

碑院官梅

寒梅發幽院幾樹玉玲瓏  
還比孤山下橫斜清淺中

小景

韓宜可  
前布政使

春色來何處桃花路欲迷  
為言毒釣者中有武陵溪

七言絕句

春日遊圓照寺

定邊伯

東風吹柳拂烏紗一入祇園景最佳惟愛日長山寺靜小窓開遍杜鵑花

遊太華寺

吳印  
雲南左布政使

石磴羊腸九折盤華山迢迢水潺湲輕烟一抹人家晚乘興悠然往還

遊華亭寺

張純  
雲南左布政使

行過松溪與世分華亭披開耿青雲何當海闊天高度長倚禪林作隱君

碧雞烟雨

李雲  
雲南左布政使

凌霄傍海碧崔嵬中有神雞數往來一自王褒遊軫後至今烟雨不曾開

金馬晴嵐

靈山自古有神憑金馬知非浪得名最是四時堪喜處嵐光涵翠日舒晴

瀕池夜月

霄漢無雲兔魄圓波間天上兩嬋娟  
一  
下乘舟客也學坡翁夜扣舷

商山樵笛



蒼苔路滑蔭長松不見當年避世翁  
樵子暮歸橫短笛數聲吹徹夕陽紅

題山水

鄭顥

雲鎖空林積雨餘望中山色是匡廬  
年來厭踏紅塵路看盡令人擬卜居

題枯木竹石圖

琅玕掩映碧梧枝并倚雲根也自宜  
涼月滿窓疎影動赤霄應有鳳來儀

五言律

遊筇竹寺

張純

訪古遊筇竹山寒翠更深危軒瞰初日出谷返春陰看盡鸞峰俗登  
雲契夙心庭前花樹老惟爾是知音

陪蔣侍御遊太華二首

范宗暉

四明人

山行六七里迤邐到禪宮簾影曛曛日爐薰淡淡風新泉浮嫩碧  
杏弄嫣紅回首登臨處猶疑畫中

暇日登蘭若悠然心迹清山深群籟寂水落片帆輕野衲思依遠邦  
人願識荆勞生多擾擾邂逅得忘情

晚入五華寺

胡粹中

楚府右長史

向晚尋幽寺明霞飛速林四山新雨歇一逕綠苔深松老齊僧臘泉  
鳴和梵音階前兩馴鹿去住識禪心

喜曾翰林奉使交趾回

平顯

北極奎章煥南交使者歸雕題瞻禮樂象齒貢京畿聽漏趨香案  
聯解綉衣上林春色好官柳正依依

題林亭遠岫圖

鄭顯

杜若迴芳嶼孤亭傍野橋徑深人迹斷林間鳥聲嬌石蘚春含潤嵐  
煙畫不消故鄉何處是雲樹接天遙

七言律

春日遊太平寺二首

定遠伯

麗日和風二月天，踏青騎馬過晴川。  
天桃幾度紅含雨，弱柳千枝綠  
顰煙。俛仰乾坤成舊跡，登臨人物異當年。  
玉壺滿載梨花酒，爛醉金銀佛寺邊。

清時邊徼好年華，幾度尋幽到佛家。  
山色一簾收宿雨，松風萬壑散晴霞。  
上方每聽猿啼樹，此地曾聞天雨花。  
謾把新詩題歲月，滿懷佳興浩無涯。

遊獅子山

一路尋幽興趣佳，穿雲又到梵王家。  
綠陰檻外蕭蕭竹，紅落巖前點

點花絕頂僧房間日月半空佛閣倚烟霞水光山色渾如畫不覺年  
來鬢有華

和定邊伯遊獅子山

陳遼

雲南右  
布政使

澗底泉流樹杪山僧房深隱白雲間寒宵木榻談玄坐暮雨遙城乞  
食還虛跡久傳千載勝禪心不改一身閑落花洞口屢遊處亂撲袈  
裟萬點斑

遊太華寺

胡粹中

禪房花木闕幽深勝日清遊直萬金露氣未乾聞點滴日光不到覺  
陰森塔前老樹知僧臘石罅流泉和梵音慈門入堂參佛祖看山臨

水足安心

題華亭寺

潘仁和州人

金碧樓臺隱翠屏  
行行又復過華亭  
水聲虛竇分清磬  
雲影遙天落淨瓶  
猿鳥伴人真迥寂  
獅狔擁座自威靈  
煩襟滌蕩清如水  
滿耳松風不厭聽

玉案晴雲

海子西邊玉案山  
晴雲舒卷遞難攀  
有時白晝從龍起  
幾度青天馭鶴還  
片片晚涼依竹靜  
蕭蕭秋冷傍松閑  
憑誰借得并州剪  
裁作仙衣謁

帝關

滇池夜月

機先日本

滇池有客夜乘舟  
渺渺金波接素秋  
白月隨人相上下  
青天在水與  
沉浮  
遙憐謝客滄洲趣  
更愛蘇仙赤壁遊  
坐倚蓬窓吟到曉  
不知身  
尚在南州

龍池躍金

路入商山景更奇  
玉皇壇畔有龍池  
行逢柳色烟深處  
坐看桃花水  
漲時  
映日金鱗鳴潑刺  
含風翠浪動淪漪  
由來神物非人擬  
變化雲  
雷未可知

錦江春雨

戲談古事

花飛洱水雨冥冥萬頃香雪半淺清龍沫細隨漁唱急魚鱗亂點浪  
文輕無聲脉脉催春暮有意濛濛暗曉晴遊子惜華晨起看殘紅如  
剪漲痕生

玉局夏雲

疊巘高依洱海濤星分綦布訝瑤琳青天似愛千峯雪蒼狗長生六  
月陰不共鶴飛過別墅只從龍化作甘霖石田象鳥耘耕者歲歲應  
無怕旱心

洱水秋風



一聲落葉水東頭萬頃烟波大地秋  
宿宇魚龍眠不穩浪華鷗鳥供  
難浮魚人釣逐飛蓬去賈客船隨逐水流  
我亦欲從風力便望東吹  
上

常王州

蒼山冬雪

壁立初分混沌形  
蕩摩霄漢偃蒼精  
忽教六出天華散  
頓覺千層玉生  
三伏凍雲凝  
鷲嶺半空寒氣逼  
龍城誰能傑構從  
茲住獨占人  
家一斷清

鷲浦斜陽

深處水雲鄉。錦翼雙雙浴晚塘。波漾羲和鳴谷影，接  
於光。聯翩霞彩隨歸鷺，欸乃漁歌罷釣璜。極目絕勝圖畫裏，不妨擬  
景儘徜徉。

龍關曉月

鐵鎖神蛟鎮葉榆。陰精長伴拓城隅。光連兜鍪玄霜後，影轉烏飛若  
木初。似照田文門下客，尚隨江泌手巾書。甘人五漏開金鑰，鼓角時  
時送望舒。

西峯瀑布

危巔正對鶴關東。萬丈崖峩插太空。消暑不勞三伏雨，吐涎只掛九

天龍聲轟石地飛銀練影落星河闌玉琮憶昔許由如見此定知洗  
耳到山中

彼岸浮圖

古佛飛過洱海東金銀棟宇起蒼穹天生寶界蓬萊壯雲鎖松關震  
豹雄隔斷人寰塵萬里因依鰲頂翠千重阿誰獨棹滄浪去薛大郎  
從到岸空

碑院官梅

古刻苔連鼎鼐深梅花庭院鎖濃陰倏看幾樹琉璃色都發三冬鐵  
石心萬里湖西來白鶴五更簷外度青禽兒童莫把東枝折留與遊

人寄好音

磻溪寶金

隱約西風渭水濱  
晚隨落照獨銷魂  
夢覺豈識非熊兆  
飽飯能爲卧月人  
兩岸蘆花船載雪  
百年心事白頭身  
白頭獨自無它伴  
惟有青山是故隣

題五華寺歸雲石室

沐璘

一自無心出翠微  
越山吳水久因依  
曾於

此關從龍去  
又向南溟作雨飛  
出處隨緣那有跡  
卷舒與世豈相違  
今歸老毘耶室  
坐斷維摩不二機

五華寺真意亭

高亭屹立五華顛，雖在人寰地自偏。  
心遠已能忘世慮，意真聊得穩吾天。  
望中歸鳥飛吟屐，菊外南山落酒筵。  
莫道陶翁今寂寞，此中興味尚依然。

遊太華寺二首

連日看花興未窮，踏青又到梵王宮。  
坐空紫翠千峯出，十里烟霞一徑通。  
窈影暖搖松檜日，圍香晴度杏桃風。  
頻遊不爲東林社，要與漁民樂事同。

昨朝攬轡遊金馬，今日揚舠到碧雞。  
松捲翠濤岩畔落，梨飄香雪水

中迷青山可盡看  
列坐各情傍酒啼  
自是康成饒遠興  
無道清  
景入新題

入下關

曉入龍關驛路遙  
東風吹雨濕征鑣  
春寒尚怯羅衣薄  
泥滑偏怜駿  
馬驕  
萬頃腴田環海子  
千年凍雪積山椒  
閭羅霸業惟碑在  
棠宇千  
今總

聖朝

題圓通寺雪竈二首

路入螺巖第幾重  
瑩然一室亂叢中  
四時皓景清常在  
六月寒光爛

不融觀景頃成銀色界  
迺齋何必水晶宮  
少林斷臂人安在  
千載誰能繼此風

螺麓深處事幽潛  
雪色軒窓翠竹簾  
老鶴有時鳴薜蘿  
白雲終日宿茅簷  
地爐煨芋灰頻撥  
石鼎煎茶火旋添  
幾度玄談成坐久  
不因風景解相淹

遊太華寺

鄭顥

並轡同登湖上山  
勞生又得片時閑  
花枝不改年年色  
髮髮惟添種種斑  
竹樹烟雲詩興裏  
風帆沙鳥酒盃間  
躋攀未厭窮幽勝  
日暮何妨更燭還

重遊太華寺

不到禪宮又幾時  
望中山色謫晴曦  
登臨已遂平生樂  
偈和還尋舊日詩  
靜愛竹窓宜坐久  
遠探花徑得歸遲  
支公況復能延客  
杖屨重來未可期

和遊太華寺

重重竹樹廢僧齋  
爲愛幽深每獨來  
禪榻暫分塵慮息  
茗甌初吸好懷開  
雨荒曲徑迷芳草  
雲鎖閑門暗碧苔  
自是勝遊真不厭  
隔林鳥護相猜

題圓通寺雲窓



螺巖深處構茅庵雪色軒窓翠竹橫香几散花時積素石泉分隙  
生寒大千色界皆空盡一點紅爐頓悟難我擬尋師問禪理分  
日共盤桓

題淨香亭

元戎新構竹間亭竹翠亭幽分外清涼影夜隨明月墮粉香  
風生蟬娟不受纖塵染氣味何須百和成退食從容時一過  
結歲寒盟

五言排律

定邊回師

潘仁

雄譽超當代奇勳邁昔賢畫圖麟閣上環珮鳳樓前受鉞曾超

陞平蠻久鎮滇寸心懸日月誰贊短風煙令肅霜威凜機深斗運旋斷  
蛟秋試劍落鵲夜鳴弦海岱烽初舉關山捷報傳七擒功已大六出  
計猶玄螭蟻驚龍威龍貅喜勝還戰袍明錦獸歸盤響瓊鞭露瀛松  
間旆花迎綽外羈衛容嚴虎豹冠影動聲雄德被華夷遠建族社稷  
堅笑談揮羽扇叱咤倚龍泉頗牧寧同伍蕭張敢並肩等黃石累  
恩澤紫泥宣弓掛扶來近戈迴玉壘偏挽河新洗甲拓土舊開邊仁  
信敷荒域公勤入汗編願言歌盛美安得筆如椽

陪西平侯遊太華即事二十韻

曾日章

翰林侍讀

太華尊南詔福宮鎮寂寥碧巖森列衛金馬勢相朝經畧雖因楚平  
訛寔自堯地靈分島嶼大籍奏蕭韶俯仰門如近逶迤路轉遙入林  
棲鳥起曄曄老僧漱藻繪旋穹宇丹青炫九霄鴈王街果獻天女散  
花飄縱目塵琛恆凭軒世慮消篆香凝几席題詠屑瓊瑤歷代風流  
盡

皇明德化昭先公開外徵嗣子繼聯鑣感命歸重譯班師格有苗武功平  
甃獠文教及椎雕行馬陪朱蓋尋真渡石橋雨時應潤塊風細不鳴  
條列乘驂騏驎遊車載嶽橋烽烟清海嶠甘露澤山板四野勤農務  
深巖禁采樵羈人達

欽定四庫全書  
欽世屬賦續蘭若

雲南圖經志書卷之九